

傷寒大白

利

傷寒大白卷之三

雲間秦景明從孫之楨皇士甫纂著

新安陳懋寬敬敷梓

男 堂周明

咸寶楚良

姪 昕鳳儀

棠蔭南

及門慎廷輔匡如

楊鼎爵讓侯叅閱

陳 仁弘九

蔣恩永子培

須用恒希黃仝較

無汗

傷寒論無汗者九不得汗者四不汗出者一明理論

陶氏書惟寒邪一條失之太簡以無汗爲表症居多則可以無汗爲止是寒邪則不可傷寒論太陽症無汗發熱身痛手足冷脉浮緊冬用麻黃湯太陽中風脉浮緊無汗而煩躁乃營衛兩傷冬用大青龍湯陽明症頭痛鼻乾脉浮無汗而喘冬用乾葛湯此皆是寒邪在表而無汗用發表者若陽明症無汗身必發黃茵陳梔子豆豉湯陽明無汗渴欲飲水無表症者白虎湯此皆熱邪在裏而無汗用清裏者又云結胸症但頭汗用大陷胸湯但頭汗身發黃用茵陳湯心中懊憹但頭汗梔子豆豉湯此水飲內結而無汗也

又云脉浮而遲遲爲無陽不能作汗身必癢此陽虛
人外胃表邪不能作汗外解用扶元發汗者以上皆
傷寒門無汗之症也今有嘔吐惡心胸膈滿悶無汗
喘急脉滑不數此痰結無汗用二陳湯導痰湯有飽
悶噯氣發熱無汗右關滑大此食滯中焦胃陽不得
敷布而無汗用平胃保和散等又有發熱惡寒無汗
脉不出此表邪內伏用升陽散火湯又有發熱無汗
寒涼抑遏而用溫中升散者凡此皆不得已而推廣
治法也然無汗之症到底用發散者多例如脉伏無
汗用升發正也脉大無汗而用升發無碍也卽脉細

用升發寒涼抑遏用升發痰凝食滯用升發皆無碍也。至如雙解散小柴胡湯梔子豆豉湯治表有邪裏有熱之無汗者若治脉伏無汗則內有一半寒藥而碍表邪若治胸滿痰結寒凝食滯則內有一半寒藥而犯凝滯。又如白虎湯陽明和解發汗者也而條下註明表汗未出表症尚在者未可服唇口乾渴不能消水脉不數大亦未可服。夫石膏湯尚如此則黃連大黃更不宜矣。惟熱鬱火閉之無汗不忌寒涼耳。然無汗症第一在脉上消息。經云熱病脉躁盛不得汗陽脉之極也死。又云陽病而見陰脉者死。今細詳陽

脉躁盛無汗一條。後來不論生死。原能作汗外出。若戰慄而出。汗後氣和者生。若不戰慄。洋洋汗出。氣粗口張。隨汗而死。若陽症脉陰。無汗一條。則胃陽不足。津液內涸。到底無汗而死者多。大凡發熱無汗之症。必得汗多。則身熱方解。以其熱在皮膚。無汗則熱邪何處發泄。故治無汗發熱。不論日數。須善爲發汗。要知麻黃桂枝。但發冬月未鬱熱之寒邪。無汗不可用於三時熱令。羌活湯。乾葛柴胡湯。能發在表無汗。不能發在裏。火閉無汗。滑石石羔。能發在裏。火閉無汗。不能發在表。無汗。淡豆豉白豆蔻。能辛散中焦。抑遏

無汗不能發皮毛閉鬱無汗枳殼木通能發大小便
下竅不通無汗不能發在外表邪無汗桑白皮地骨
皮桔梗能發肺氣壅遏皮毛無汗不能發他經閉鬱
無汗仲景發表加杏仁妙以開潤肺之皮毛亦發汗
良法是以發汗亦有理肺氣而出者然治無汗必要
互看頭汗條者

桂枝湯本爲解肌。若其人脉浮緊發熱汗不出者。不可與也。當須識此。勿令悞也。

此以下五節皆寒邪在表無汗。北方冬月用麻黃湯以發汗。故曰桂枝湯不可與也。

太陽病頭痛發熱身疼腰痛骨節疼惡風無汗而喘者。麻黃湯主之。

此條承明上章發熱無汗之症。不可與桂枝湯。宜麻黃湯。詳註惡寒頭痛。

太陽中風脉浮緊發熱惡寒身疼痛不汗出而煩躁者。大青龍湯主之。

此條承明營衛兩傷不可與麻黃湯宜用大青龍湯詳註煩躁

太陽病脉浮緊無汗發熱身疼痛八九日不解表症仍在。此當發其汗服藥已微除其人發煩熱目瞑劇者必衄衄乃解。所以然者陽氣重故也。麻黃湯主之。此條詳註衄血麻黃湯主之一句。在當發其汗下。太陽病脉浮緊發熱身無汗自衄者愈。

太陽病脉浮緊發熱無汗當用麻黃湯。因其人正氣旺未服麻黃湯而自衄出病愈。此申明上章太陽無汗症若自衄乃解不必再用麻黃湯也。

傷寒脉浮發熱無汗其表不解不可與白虎湯若渴欲飲水無表症者白虎加人參湯

上半節言無汗之症宜發汗戒用白虎下半節言渴欲飲水無表症者忌發汗宜用白虎

陽明病無汗小便不利心中懊懷者身必發黃

陽明病無汗小便又不利則濕熱上下不得發泄故心中煩悶懊懷濕熱久鬱身必發黃此條不立

一方而暗示陽明無汗四條治法無汗表熱乾葛防風湯發表一法也無汗小便不利猪苓湯清利一法也無汗心中懊懷梔子豆豉湯治煩一法也

無汗身發黃茵陳湯治黃一法也

少陰病但厥無汗而強發之必動其血未知從何道出或從口鼻或從耳目出名下厥上竭爲難治

此條少陰傳經裏熱症醫見其手足冷而無汗絕似傷寒表邪未伸悞用麻黃桂枝辛溫強散其汗則血得熱而妄行或從口鼻耳目而出

大青龍湯

見煩躁

乾葛湯

見似瘧

茵陳梔子豆豉湯

三味

此陽明熱瘧於內蒸發黃家秘加乾葛防風兼散表

鬱則全內外分消之治。

白虎湯

見潮熱

小青龍湯

見咳嗽

補中益氣湯

人參 白朮

當歸

黃芪

陳皮

柴胡

升麻 甘草

表邪閉鬱而無汗。純用發表。中氣虛微。不能作汗。則用此方。家秘加防風荆芥。治勞力感冒。

二陳湯

導痰湯

二方見似瘧

平胃散

見譫語

升陽散火湯

升麻 葛根 獨活 羌活 人參 柴胡

防風 甘草 白芍

表邪內伏，寒冷抑遏，發熱無汗，手足反冷，此邪熱不得發越，故用火鬱發之。

消滯升陽湯

厚朴 半夏 枳殼 廣皮 升麻 葛根

陽明無汗，胸前飽悶，必是胃家有痰，飲食滯，故用半夏枳朴以消胃滯，再加升葛宣發表邪。

雙解散 見發狂

理肺發表湯 家秘治肺氣抑遏發熱無汗

羌活 獨活 柴胡 乾葛 枳桔 桑皮

平胃發表湯 家秘治胃氣抑遏發熱無汗

羌活 獨活 柴胡 乾葛 枳朴 半夏

仲景首條立麻黃湯治無汗發熱氣逆喘滿用杏仁

默示肺主皮毛肺氣壅遏則喘逆無汗開發潤肺氣

爲發汗之真訣又桂枝湯下云服藥後食稀粥以助

藥力此默示發熱有汗必是胃無凝滯故可食稀粥

以助藥力散邪若發熱無汗必是胃有凝結不能作

汗故開發胃主肌肉疎利胃陽爲發汗真訣又于頭

汗條中申明但頭有汗遍身無汗皆係水飲淤熱凝結中焦隔絕週身之道路治宜宣發胃氣疎通經絡細玩麻桂宜北不宜南故家秘化立敗毒散方法加枳桔桑皮名理肺發表湯治風寒壅肺發熱喘逆無汗之症此從麻黃杏仁方中化出治法又以敗毒散方加枳朴半夏蒼朮名平胃發表湯治痰涎食滯胸滿發熱頭痛身痛無汗之症此從太陽病有表症心下水飲用小青龍湯辛散水飲敷布胃中則內伏之水飲作汗而出外胃之表邪隨汗而解此一舉兩解化法用方之妙悟也

純是表邪無汗則用發表若表有邪裏有熱則用此方雙解

小柴胡湯 見惡寒頭痛

三陽表有邪裏有熱者用前方雙解少陽表有邪裏有熱則用此方

上論冬令傷寒然亦可參治四時者外有汗自出身

汗條中申明但頭有汗遍身無汗皆係水飲淤熱凝結中焦隔絕週身之道路治宜宣發胃氣疎通經絡細玩麻桂宜北不宜南故家秘化立敗毒散方法加枳桔桑皮名理肺發表湯治風寒壅肺發熱喘逆無汗之症此從麻黃杏仁方中化出治法又以敗毒散補熱煩用五苓散蒼朮和平胃發表湯治痰涎食滯胸膈鬱塞昏沉寒熱皆用消水雙瓶也則表亦深裏亦深治惡用良惡寒惡熱散水飲敷布胃中則內伏表變飄作汗而出外胃之表和隨汗而解此一舉兩得麻黃湯麻黃升麻用幾葉苦茶青麻葉青麻根用也